

КОММУНИЗМЕ

Редакция адресэ: ст. Пычас, Удм. АССР, Коммунальной ульча,
17 номере корка.

Финансовой планэз дыраз но дырызлэсь азьло быдэсьяно

Асьмеос вормоны тушмонэз. Вормонмылы осконмы асьмелэн уг лябомы. Нош тушмон кужмо на. Обороналы мобилизовать кароно луэ вань хозяйственной ресурсёсты. Котьма оборона понна! Котьма—тушмонэз вормон понна!

Асьмелэн странамы али секыт положениын улэ. Война кулэ каре выль но выль жертваосты. Народной хозяйство но промышленность али военной нагрузкаен ужало. Колхоз'ёс дырызлэсь азьло быдэсьяло государство азын обязательствооссэс. Районысьтымы уноез колхоз'ёс быдэсто ни нянь поставказэс, сйль, вй, курегпуа, ыжгон сётонзэс. Соин валче соос уг вунэто коньдонэн тырон'ёсы сярсы но. Соос тодо, что та вакыт ноку сямен дыраз но дырызлэсь азьло быдэсьясыкыны кулэ налог тырон'ёс, заем'я тырыскон'ёс но мукет платеж'ёс. Ваньмыз со мынэ странамылэсь обороназэ юматонэ. Налог'ёсты яке мукет сыче платеж'ёсты тыртык возён государство азын преступление луэ.

Та вакыт вань кужымез пононо солы, чтобы дырызлэсь азьло быдэстыны финансовой планэз. Вань колхоз'ёс та ужен пример басытоно луэ азымынсь сельхозартельёслэсь. Александровской сельсоветысь Молотовлэн нимыныз нима, „Путь Ленина“, „Искра социализма“ колхоз'ёс, Индюковской сельсоветысь „Совет“, Туташев-

ской сельсоветысь „Свой труд“, Писеевской сельсоветысь „Выль кадр“ но мукет колхоз'ёс быдэстыз заем'я взнос'ёсты тыронзэс. Та колхоз'ёсысь асьмеос трудячийёс возматызы та ужын инициативазэс. „Искра социализма“ колхозлэн председателез Дубовцев фронтэ кошкон аяз заемлы гожем коньдонзэ — 500 манет—ваньзэ тырыз. Озы ик заем'я расчёт лэстызы мобилизованноёс Блинов („Путь Ленина“ колхоз), Кадров (Челюскинлэн нимыныз нима колхозлэн председателез) но мукет'ёс. „Выль сюрес“ колхозысь колхозник П. Н. Николаев (одиг пиез солэн Красной флотын) ас арлыдэз шоры учкытэк быдэстыз аслэстыз коньдон тырон вань обязательствооссэ. Озы ик государство азын вань платеж'ёссыс тырыз „Красный воин“ колхозысь колхозник'ёс Евсей Ясонов, Николай Яковлев, Павел Егоров но уно мукет'ёс. Районысьтымы уноез колхоз'ёс но коньдон тырон'я государствоен расчёт лэстызы ни. Соос пöлы пыро „Путь Ленина“, „Правда“, „Комсомолец“ но уно мукет колхоз'ёс.

Басытомы азымынсь сельхозартельёслэсь но трудячийёслэсь примерзэс. Коньдонмес дырызлэсь азьло тырыса досрочно быдэстоны III кварталы тупатэм финансовой планэз.

СОВЕТСКОЙ ИНФОРМБЮРОЛЭСЬ

16 сентябре жытазе ивортон

16 сентябрь чоже асьме войскоосмы тушмонлы пумит жугиськызы вань фронтын.

Асьме авиацимы шукыт'яз тушмонлэсь мотомехчастьёссы, пехотазэ но артиллеризэ, атаковать карылыз аэродром'ёсыз выльысь авиацизэ но бомбить кариз переправаосты.

14 сентябрь чоже омырын жугиськон'ёсын но тушмонлэн аэродром'ёсыз вылын 29 немецкой самолёт'ёс быдтэмын. Асьме ыптонмы—18 самолет.

Тырмыт лыд'ям лыдпус'я, северной флотлэн корабльёсыз 15 сентябре тушмонлэсь 3 крупной транспорт'ёссы выйтэмы (азьвыл 2 гинэ ивортэмчн вал).

* * *

Тырмыт лыд'ям лыдпус'ёс'я, Эзель остров вылэ десант васыкытыны од'якуз асьме артиллеримы, авиацимы но корабльёсы тушмонлэсь 4 транспортэ выйтэмы. Соослэн ог'я водоизмещенизы 28 сюрстонна вал. Транспорт'ёс грузыт каремын вал войскоосын, танк'ёсын но мукет вооружениен. Со сяна, та операции ик быдтэмын 1 миноносец, 10 катер'ёс но немецкой солдат'ёсын уно пичиесь судноос. Усыкытэмын тушмонлэн одиг самолетэз.

Уно транспорт'ёсты, пичи судноосты но авиация люкаса, тушмон мукет нуналаз выльысь туртске вал

Эзель остров вылэ ву выльысен но омырысен десант васыкытыны. Кык нунал чоже мынэм туж кужмо жугиськон бере тушмонлэн ву выльысен но омырысен васыкытам десантэзлэн люкетэз быдтэмын вал, мукет люкетэз морее сэрпалтэмын.

* * *

Фронтлэн Ленинградской участказ действовать карысь танковой бригадаосмы пöлысь одигез азинлыко жугиськонын быдтэз тушмонлэсь 48 танк'ёссы но бронемашинаоссы, 27 орудияоссы но 13 миномет'ёссы.

* * *

Асьме войскоосмы берен басытэмы Ладужской озерысь Рахмассаари островез. Остров понна жугиськон'ёсын виемын 800 ёрос финской солдат'ёс но офицер'ёс, выйтэмын тушмонлэн 4 катер'ёсыз но 2 моторной бот'ёсыз. Островлэн гарнизонэзлэн кылемез пленэ басытэмын.

* * *

Одесса котырын германорумынской армия туж бадзымэсь ыштон'ёс басытэ. Со сярсы верало пленэ шедем солдат'ёс. 13 румынской пехотной полклэн 3 батальонысьтыз роталэн командирез Теодор Анка ивортэз, что солэн ротасысьтыз 200 солдат'ёс но офицер'ёс пöлысь быдэс кылызы на 20 мурт гинэ.

13 полкысь 1 батальонлэн пленной командирезлэн капитан Доробанценлэн кысытыз шедтэмын роталэн командирезлэн докладной запискаез, кытын ивортэське: „Милям положенимы сыче, что кужым уг тырмы чиданы. Азыланьын но положение өз ке воштыськы, мон визтэммо. Мон куасьмы ни. Простить каре, что офицер тиледлы вера сыче уж'ёс сярсы, нош котькуд адями, котькыче ке но юн луиз со, та вакытэ йырзэ ыштоз. Мынам адямиосы чиданы уг быгато, соос 4 нунал чоже өз сиське ни...“

Генерал Антонеску 30368 номеро приказ поттэз, кудаз угрожать каре сыче соединениослэн, полк'ёслэн, батальон'ёслэн но ротаослэн командир'ёссылы, куд'ёсызлэн солдат'ёссы наступать карыны кышкало. Та приказ'я „солдат'ёс чигнало ке, начальник соослэн беразы пулемет пуктоно луэ но ыбылоно луэ чигнаса бызисьёсты жалятэк“.

* * *

Югославской антифашист'ёс Белградын кенжытэмы бадзым горючей возён складэз. Белград дорысь Землинын пуштытэмын янтысь авиационной заводлэн сборочной цехез. Белград-Загреб железнодорожной линиялэн коняке участказ партизан'ёс чигтылызы телефонной но телеграфной езэсты.

Красной Армии — шунит дйськут

М. Пургинской районысь Янгалиф колхозлэсь Удмуртиысь вань трудящюёслы вазиськемзэ Л. Шудзинской сельсоветысь колхоз'ёс жутскем мылкыдэн пумитазы. „Выль улон“ колхозын общей собрание

боец'ёслы, командир'ёслы колхозной ыжгонлэсь 15 пар сапег гындыса но котькуд колхозной хозяйствосы шунит пöзэ яке чулка сётыны решить кариз. Али сое огинэ люкало. Та колхозлэсь бере уг кылэ мукет колхоз'ёс но.

„Чимшур“ колхозын 21 килограмм ыжгон, 15 ыжку но 8 пар носки огинэ люказы ни. „Выль сюрес“ колхоз но Красной Армии вис'ям шунит дйськутэз огинэ люкан борды кутскиз.

П. Константинов.

НЫЛКЫШНООС ПИОС'ЁС ИНТЫЫН УЖАЛО

Б. Кибинской сельсоветысь Клим Ворошиловлэн нимыныз нима колхозысь колхозницаос азинлыко вошто пиос'ёсты пöртэм колхоз ужын. Кутсасыкон машинаын машинист луыса азьвыл И. Пчельников ужа вал. Со фронтэ кошкем бере машина доры султэз М. Папухина. Папухина эш

нуналлы 40—50 центнер юнянь кутсалля ни. Г. Корнев янтые косилкаен араны карыскыз нылкышно Ф. Корнева. Таиз но колхозница нормаоссы мултэсэн быдэсьяз но быдэсья. Вал сюдысь нылкышноос ас ужзэс озы ик быгатыса нуо. Екатерина Лебедева, Мария Рысьева, Елизавета Лебедева конюх'ёс вал'ёссыс умой утыалто, чылкыт возё.

Бусы уж'ёссы колхоз азинлыко нуэ. Колхозник'ёс но колхозницаос шуо: „Асьме бусысысьтымы ужез чалякгеэ быдтыса ми мукет колхоз'ёслы юртыны мыномы“. Государстволы юнянь сётон планзэ но колхоз быдэстыз ни.

В. Бимаков.



М. И. Калинин эш Кремльын беседовать каре геройёсын-летчик'ёсын, германской фашизмен жугиськонын Командованилэсь заданиоссы образцово быдэсьям но соку доблестыссы но мужествозэс возматэм понна СССР-лэн орден'ёсыныз но медальёсыныз наградить карем'ёсын.
Фотоз Ф. Кисловлэн.

ТАСС-лэн фотохроникаез.

МИ ТАЕ УМ ВУНЭТЭ



„Луч Востока“ колхозын (Казахской ССР) трос Семиреченской казак'ёс уло. Та нунал'ёсы, ку вань советской калык жутскиз отечествозэ защищать карыны фашистской полчищеослы пумит, татын кылдытэмын казачьей сотня. Колхозник'ёслэн обшой солбранизы сотнялы командире назначить кариз колхоз кылдытэсез, бывшой красной партизанез Иван Ефимович Громовез. Солэн али ныль пиосыз Красной Армии. Казачьей сотня ялан ортчят'я военной занятиос. Казак'ёс дась мыныны тушмонлы пумит жугиськон'ёсы.

Суред вылын: „Луч Востока“ колхозы сь казачьей сотня походын. Азыпалан (бурпаласез) — сотнялэн командирез И. Е. Громов. Фотоез Б. Пумянскийлэн. ТАСС-лэн фотохроникаез.

Вклад'ёслэн лыдзы нуналмысь мед будоз

Калыклэн сберкассаосы вклад'ёсыз странамыльсэ обороназэ юматонын нимысьтыз значение басыто. Военной вакытэ вклад'ёслэн значенизы эшшо но будэ. Соин та вакыт вань сознательной советской граждан'ёс сберкассаослэн вкладчик'ёсынызы мед луозы. Та целен агитация нуоно луо вань общественной но советской организадиос.

Вкладчик'ёслы вклад'ёсты сёт'янын перебойёс медам луэ шуьса июнь толэзьысен тупатэмын сыче порядок, кудиз'я котькуд сберегательной книжка вкладчиклы толэзьлы быдэ 200 манет гинэ сёт'яске. Июнь толэзь бере сётэм вклад'ёс нош сёт'яско вкладчиклэн куремез'я быдэсак но, люкетэн но.

Озы т'яны, вкладчиклэн куремез'я сберегательной касса вкладчиклы сётоноруэ вкладлэсь быдэсак суммазэ.

Вань советской калык та вакыт бад'зым трудовой энтузиазмен ужа. Советской патриот'ёс Красной Армии озы ик юртто материально но. Рабочийёс, служащийёс, колхозник'ёс сётэ обороналэн фундаз ас сбережениосесэ, одйг но кык нунал'ем уждунзэс. Соин валче азымынсь трудящийёс уг вунэто вклад'ёс сярысь но.

Вань калыклы поддержать кароно азымынсь трудящийёслэсь примерзэс. Вклад'ёсынымы юрттомы странамылы чалгыс быдтыны адземпотостэм тушмонзэ!

Сутягин.

Милям обязательствомы

Действующей Армилен Н-ской частысьтыз боец'ёслэн, командир'ёслэн но политработник'ёслэн Удмуртиысь трудящийёслы гожтэт пыр бтемзылы ми колхозын ударной ужен вазиськиськомы. Ми умпалэнкиське но кыче ужлэсь: косо ке, эт'яны ишкыны мыниськомы, бичаськомы вуж корт, октябрькомы к'ожы но мукет быгатано ужез ужаськомы. 9 сентябре ми одйг нуналскын 400 килограмм вуж корт бичам. Милям атайёсмы, агайёсмы самоотверженно жугисько фашизмлы пумит.

Ми оскытиськомы соосты: ми но татын вань кужыммес поньса дышетском. Ми, дышеткись пинал'ёс, Красной Армилен боец'ёсыз азын обязательство сёт'яськомы хорошо но отлично гинэ дышеткиськомы. Ас обязательствомес ми мылпотыса быдэстомы.

Писеевской школамысь 1-3 классысь дышеткисьёс **С. Бусыгин, М. Шмынова, З. Сакаева, Ф. Горохов, З. Лапшина.**

Немецкой войскоосын одырлы басытэм район'ёсысь нуналлы быдэ вуовыль но выль ивор'ёс фашистской варвар'ёслэн мирной калыкез серем каремзы сярысь. Советской адымиос, фашистской адылысь мозем'ёс верало гитлеровской адыми снис'ёслэн кошкемытэсь злодеяниоссы сярысь. Та же ивор'ёсты кылыкуз котькуд советской патриотлэн

сюлмаз кенже священной алземпотонтэм каронлэн тылэз. Котькудиз, кинлы дуно асьмелэн великой Родинамы, кыл сётэ вань кужымзэ сёт'яны адземпотонтэм тушмонэн жугиськыны, асьмелэн адымиосмылэн вирзы но кулэмзы понна пунэмзэ юн берыктыны.

Советской калык уз тодычус улонэз со дырозь, ку фашист'ёс асьме адымиос-

лэн вирзы понна уз тыре асьсэлэн сьод виренызы.

Ми туннэ печатать кариськом адымиослэсь гожтэт'ёссэс, куд'ёсыз адзылды гитлеровской кыкпыдо сьосьёслэсь претуплениосесэс. Котькудиз кыл, котькудиз строка бте пунэмзэ берыктыны. Фашистской бандит'ёслы кулон! Одыг фашистлы но ум сётэ муз'ем вылын улыны!

I

Мон улй Брестын. Фашистской стервятник'ёсын жуатэм городысь пегзыса, городлэн пумысьтыз мон адзи асьме пограничник'ёслэн формаенызы адымиосы. Сюлэм шумпотонэн жугиськыны кутскиз—асмелэн! Но шумпотон луиз юнме.

Со вылэм переодеться кариськем фашист'ёс.

Мон адзи, кызы пограничниклэн вож фуражкаеныз фашист доры б'ордыса бызиз пичи пинал. Ш'одске, со ыштэм аслэстыз мумызэ но табере советской боецлэн формаеныз дйсьскем адымилэсь утылтэмзэ шедьтыны туртскиз. Пинал аслэстыз пичи киосэс азыпала мычылэз...

Мар вал азыланыз? Жоген жыныё уртдо голык мугор фашистской штык вылэ жутэмын вал. Мылкызэ капчи карыса кадь, изверг йыр йылаз пиналэсь ш'ойзэ сз'яллыз... Со минутае мон умойумой валай, ма со сыче фашизм.

Зойно, командирлэн кышноез.

II

Мон вал Гродно городын. Со вал синмаськымон, сяскаяськись советской город! Фашист'ёс сое быдэсак куашкатызы. Ваньзэ ик, городысь кошкыны вуымтэ еврейёсты, фашист'ёс ыбылдызы, вандылызы. Гитлеровской бандит'ёс ныл'ёс но егитэсь кышноос вылэ обалава организовать каризы,

чтобы соосты беечеловечно мыскылланы но курадзытыны. 14 нунал мон улй тушмонлэн мышказ, ортчи фашист'ёсын басытэм ласо селоосты, но котькытын кылылы пинал'ёслэсь сюлэмез кесись б'ордэмзэс, адзи кышноослэсь белорусс'ёслэсь курадзем'ёссэс.

Еврейёс вылын, активист'ёс вылын зверской расправазы бере, фашист'ёс котькуд селоын грабеж лэсьтызы. Мон адзылы котькытысь фашистской ул'тян'ёслэсь пытызэс.

Фашистской офицер решить карем белорусской крестьянкалэсь берпум ветлызэ таланы. Кышномурт синмаз син вуэн офицер доры бызиз но маке вераны медэ вал. Палач крестьянкалэн тыбыраз вань кужмысьтыз прикладэн шукыз но солэсь сюрлызэ т'ял'ятэз.

П. Е. Гнездилова.

III

Военнопленной унтер-офицерлэн грабить карём ваньбур'ёсыз п'ялысь шедьтэмын фронтлэн районьсытыз П. селоосы, 18 арес'ем советской ныллэн Екатерина М-лэн нимыныз вйрен наштаськем паспорт. Допросэн но интыяз эскерыса тодэмын вал кровавой произволлэн тужшурдыт суредэз.

Со вал 21 июле. Гуртэ пырыса, бандит'ёс советской граждан'ёслэсь вань-

бурзэс талазы но кутэм активист'ёсын жалыанэз валатэк расправитыся каризы. Собере ваньзы ик вина юныны кутскизы, кудиз таламын вал интыысь кооперативысь.

Лушкаськисьёслэн но убийцаослэн та бандазы уин кутскиз гуртэти бызылыны. Больницаысь соос шедьтызы М. Екатеринаез, специальностез'я акушеркаез, кудиз кылиз секыт висисьёсты утылтыны понна. Унтер-офицер (соиз, кудиз сюриз асьме доры пленэ) но немецкой солдат кырмызы нылэз но документ'ёсты эскерон амалэн комендатурае мыниськом шуьса, сое нуизы. Нюлэс дурын адыми тусэн та вирчюсь сьосьёс сантэме усыкытызы советской нылэз. Со юн защищаться кариськись, но кужым огкадь ой вал. Бандит'ёс сое эриктэмазы, нош собере ыбызы, ш'ойзэ куштызы отчы ик, нюлэскы.

М. Токарев, батальонной комиссар.

IV

М. местечко дорын трос час'ёс чоже мынэз ни жугиськон. Секыт сьосырем красноармеец'ёсты эвакуация ортчытытозь пононо луиз пичигез хуторось коркаос п'ялысь одйгаз корка. Немецкой солдат'ёслэн группазы, лушкем хуторе пырыса, коркаез котыртэз. Немец'ёс умой атэзызы, кин отын луэ. Коричневой шакал'ёс корка пырызы но вань раненойёсты рад'яз пуртэн вандылыны кутскизы. Тросэзлы соос донгазы ымазы, синмазы но пелязы патрон'ёсын обоймаосты...

Дерягина, военврач.

ТАСС-лэн опровержениез

Германской газет'ёс но германской радио сыче ивортон'ёс в'олмыто, что советской войскоос, пе, Ираны заняты карем район'ёсазы местной совет'ёс кылдыт'яло. ТАСС-лы, со ивортон'ёсы зэмесь уг луы шуьса, опровергнуть карыны косямын.

Редакторез воштысь А. Я. Сахаров.

Действующей армия.



Танк'ёс боевой заданиосты быдэс'яны пото. Фотоез Н. Фивиковлэн. ТАСС-лэн фотохроникаез.